

Khristian Tangkou |

Sela khut ah Baptisma ana tang hi. Old Churachandpur Mission Compound ah Class -VIII tan ana zou hi. Ama Government Teacher khat ahi. Pasion guolzawlina goutan ta pasal 4 leh Numei 7 anei hi. Dated 28th Jan 1996 kum in MEP vaihawmna khawmpi Sugnu Presbyterian Church ah Moderator Upa Khupsuonkham in Tuining Hattuum a Belampu nna sem dingin namdet ahi. Dated 19th November 2013 niin aiit angaiteng nuasie in thupina gam ang zotsan tahi.

Akizahnate: Kum 1960 kum in Tuiningkual District khawmpi mang in Rev. Kamkhozam toh Khuongkhai ah kava pei hi. Kum 1992-1993 sung Tuining ah Mission School Sangssye na kana sem hi. Kum 1994 in Sajik Tampak Presbyterin Khawmpi kava mang hi. Kum 1997 igam buoi lai in Tuithaphai Presbytery kum khat member in kapng hi. Kouma local ah Upa Biel hawmdan bangin thei khamkham in inn vehna toh Pasion nna ana sem hi. I Upa deitawh tah in ang muolliem sanna tung ah Zou Synod in i suunpi thu i phuong hi.



Editorial

LEMNA LENGPA KEI A APIENGTA

Khristian Tangkou simtu zousie Mang Emmanuel a lemna Lengpa Khoitah leh Khristian ten i ngahla mama uh Mangpa Jesu pien hun Christmas lungdam chibai na bawn un ka hing buh hi.

Mangpa Jesu hing pien na ah ei Jesu Khrist nuazuite a dingin a manpha pen leh nanga ding in bang ahing pieng diei chi na kingaituo ngai tai ma? Lemna Lengpa (Prince of Peace) ki chi khu na nei tai? chi tutung Khristmas hun a gasuo sah thei lechin chi'n i dei thu kikum nuom hai.

Khovel in Lemna a chi chieng in mani bitna, midangte toh ki-subuoi lou leh isep ibawlte a midangte tung ah thagum zang lou leh hum ham na umlou tah a, hun leh hindan zangte china deu in kamu hi.

Ahin ei Khristian kichi te a bih tah a Gingtute Jesu nuazuite chia khawvel in ahing theite a ding in tami lemna thumal (Peace) kichi Hebrai ham a Shalom china ahi. Tua ahitah leh Shalom Lengpa (Prince of Peace) chi pen bang dinmun ah nanga ding a poimawleh kul ahita ei chi na kingaituo kha ngai ei ma? Tulai khovel i et chien-gin khovel mite bang in ei Khristian Jesu in lemna Lengpa tate ihidan pen uh i nei un a manpha a, hinpi sawm theinai lou bang za i um di uoi? chi i ki ngaituo ngai uoi ma buoina bangma neilou, lungsim leh ngaituonate a lungzinna leh lungsim hamsatna nei lou mite a ding a lunggimna tun lou, midang te subuoi lou, chite atangpi a i koi dante ahi.

Khovel in zong a deipen ahileh Lemna ahi, tua ahilai in tu lai Khristiante enta lei tu leh tu a na dinmun khu bang ding a lemna

Mang tapa hing pienna ding a lemtang nailou a diei chi na kingaituo ngai tai ma lemna Lengpa hing pienna ding in khovel thupitah in aki singsa a zong lungsim tamtah vaihawmtute leh khovel miten zong a manpha pen a hun zat ding dante in lungsim a seng hi. Tuahita leh nang lemna Mangpa Jesu Khrist in a hing tat doh sa a na kigel leh, nang lemna Mangpa ta a kikoi pa/nu in lemna Lengpa lungsim toh tukum Khristmas man na sawm nai chiin iki han thawm ut hi. Tulai Hattuum leh gingu pawlpi tamtah te eima dei dante toh Jesu pienchamphate zatna ding in eima peidante in Programme man-tamtah ibawl uh a, i Programme zat na uh a zieh leh a neitupa Leng Jesu pen a pulam ah ikoi uhi. I chi nuom dan ahileh tam leitung a ding a leitung hindan pangai bang a umte hilou ihi uh chi i tahlang nuom a tua ziehin gingu tamtahte Jesu nuazui hilou lemna Lengpa melma ihi uhi. Lemna Lengpa hing pienna ah nang lemna Lengpa palai hiding in tutung in pan latha in.

Gingu hingal a Mari in Elizabeth avena a pahtawina laa asah bang tukum Khristmas leh Kumtha hun chiengin leh (1) Na hinna in Mangpa pahtoi ding in Lemna Mangpa enton in (2) Ka hagau zong ka Hundampa Pasion tungah anuom seng hi chia Mari in a chibang in nang zong Lemna Lengpa na nei ziehin na Pasion tungah nuom thu tut in (3) Mari a ki koi ngiem bang in nang zong midangte in ahing ngainat theina ding in Pasion theipi a mi ki ngiem khiet hi in. Tua hitaleh tu a kipat Khangtha zousie in hampah ahing chi ding Mari in a chi bang a lemna Mangpa a ding a hindan hoi podoh tu hiding in Mangpa Jesu pien champha lamdawn vaui tuachin kinepna a dim Kumtha Lemna Lengpa toh lamzawt in damna, hoina, itnate leh lawchinnate tang ding in simtu zousie Mangpa'n hing guolzawl taken.

Christma leh Kumtha 2014 chibai hoi simtu zousie kang buh hi.

Sunna

(L) UPA VIELZAHAU TANCHIN

(L) Upa Vialzahau 13th January 1930 in Singngat khuo ah ana pieng hi. Ama Pu Khamdal leh Nu Nuomchingte goutan tapa khat ahi. Dated 15th April 1953 niin a it mama Upanu Zamnieng toh Rev. Zaithangpui a khut ah pindan in ana kinung uhi. Kum 1965 in Rev. Zaithangpui a khut ma ah Baptisma ana tang hi. Pasion guolzawl na goutan pasal 2 leh NUmei 4 ana nei hi. Dated 3rd February 1979 kum in Singngat MGP khawmpi ah Upa Thongzakhup Moderator in S. Geltui a Belampu nna sem ding in Ordain bawl hi. Hunte hing peizel in khosahna zil in MGP khawmpi Cental Church ah (L) Rev. Gouliau Moderator in Belampu nna ma sem ding in Re-instate ana bawl hi. Tu leh tu in Zogam Road New Lamka ah khosa ua atu, atate toh Lailamveng Presbyterian Church ah ana kijang uhi. Dated 17th November nitah lang nai 3:30pm vel in ait, angaiteng nuasie in thupina gam ang zot san tahi.

Akizahnate: Zotang District Chairman in kum khat ana pang hi. Tualeh Nupawl Treasurer ah zong kum 3(thum) ana pang hi. MGP Standing member in zong kum 20(sawmni) ana pang kia hi. Apientha a alaa deite: (1) Mangpa na thu bou hoipen sang, simlei gou zousie sangin. (2) Nopna tah mai sinlung a kanei khu Jesu hing pieh ahi. I Upa deitah in ang muolliem san na tung ah ei Zou Presbyterian Church Synod in hatangpi in aki suun uh ahi.

(L) UPAH. KAPTHANG TANCHIN

(L) Upa H. Kapthang Pu (L) H. Nengzathong leh Pi (L) Vialdimte Pasion a goutan tapa khat ahi. Dated 10th Dec. 1935 in Thanlon Sub. Division a Gamhui khuo ah ana pieng hi. Dated 5th Dec. 1963 niin ait mama Mrs. Donngaiching toh Rev. Khamzalien khut ah Dansiengthou in kinung uhi. Dated 03th March 1957 in Rev.

30. Tongdam, P. Church X-Mass Gift..... 415

31. PWF Zomi Colony, X-Mass Gift..... 1500

32. N. Khaukual, P. Church X-Mass Gift..... 300

33. Pa Kamboi, LDCC Hiangzou 500

34. Upa Chingenpau, Muallum 500

35. Daijang, P. Church X-Mass Gift 70

36. PWF Delhi..... 1500

37. LCC T. Zion, P. Church X-Mass Gift 400

38. PWF T. Zion, P. Church X-Mass Gift..... 550



2014 HOLYDAY LIST

<i>Sln.</i>	<i>Particulars</i>	<i>Date</i>
01.	New Year	January 01- 03
02.	Statehood Day.....	January 21
03.	Republic Day	January 26
04.	Zomi Nam ni	February 20
05.	Good Friday	April 18
06.	Missionary Day.....	May 7
07.	Patriots Day	August 13
08.	Independence Day	August 15
09.	Synod Full fledge Day	September 10
10.	Gandhi Jayanti.....	October 2
11.	Kut	November 1
12.	Khristmas Eve.....	December 23-24
13.	Khristmas Holiday	December 25-27
14.	New Year’s Eve	December 30 - 31

THU TUOMTUOM LEH THUMPI DINGTE:

01. Pasion umpi naleh Hagau pawlna tangkawm in tukum Local chin in Lungdampawi (Khristmas) anuom thei pen leh a lawhthei pena zang chiet dingin deisahna sangpen ka hing lan uhi.
02. Apeisa November 08-10, 2013 sung in Presbytery kumtawp khawmpi teng kijang zouta, adiehin Manipur Gam Presbytery khawmpi athu mai hilou in phatna lapawl ah kiliim thei mama hi. Mite kipieh zawnate alamdang mai hilou in khangthu a chiemte tham ching in ka thei hi. Khochin a lapuitute ka et chiengin Lapite No. 150na a imu bangun kipumpieh zoutah in vai ziehzieh lel uhi. Lapuitute ka et chiengin hun peisa lai a Solfa Training Unit chin a ha 6(guh) bang a Course zou a Certificate ipeihte gasuo mama uhi. Music tract mai ngansie lou in kipezoutah in sa ziehzieh mai uhi. Thupina Manga’n tang hen!
03. Pasion umpina kinem kawm in i manaw January 17-19, 2014 chiengin Central Church ah ZPYF te makainan in Song Festival Cum Seminar um ding ahia, thumpi chiet va ui. Tulaitah in kisahkhawna pei lel lela, District Head Quarter teng vehna nei uhi.
04. Koizong Khristian Tangkou Article pete kung ah lungdam thu igen a, Article petuten Handwriting copy ahi in zong mi simthei dingin siengthou tah pethei lei hoiva, hithei bawn leh double space hithei leh hoiva, tua hileh a suhdih a nuom dinga mistake zong umlou deu ding hi.
05. Zou Synod Khawmpi anaitah man in Branches Committee pei lellel hi.
06. I manaw a i Nampi kingahna UZO Presidential Election umding ahia, koiinzong thumna toh pang chiet va ui.
07. Apeisa November 17 (Pasianni) hunsawtpi Lailamveng Pres-

byterian Women Fellowship ten ana buoipi uh, Pasian phatna laa CD Album “Ka Mangpa hing pui dan” ana bawl uh Rev. Stephen Chinzathang Sr. Executive Secretary in honna nei hui. Tami lapawl ginglawm in igam buppi ah halna hing tun taken. Pasian nasepna banga ngai in ana leisah chiet vaui.

08. Pasian in ithumnate hing dawngin Tv. Thanglalmuon S/O P. Thawnglam Muallum a um in C.I.S.F nuoi ah lawchinna nga in tu in Rajasthan ah Training in um hi. Ama Muallum Mission School gasuo khat ahi. Thumpi chiet vaui
09. UPSC Conductna nuoi a Civil Service main exam peding Stephen P. Doukhanlun ama a din thumpi chiet vaui. Ama Upa Nengdou tupa zong ahi. Tulai tahin IDES ah sem lel hi.
10. Kum peisa Pasian in ithumnate hing dawng in Mr. Lunzamung S/o T. Gouzadou in MPCSC Conduct na nuoi ah MPS ah lawchinna nga in tuin a Training laitah ahi. Tualeh a u Mr. Kapmuonthang zong I.F.S ana giel khesa ahi. Tuin aman Conservator ah sem lel hi.
11. MPSC Conduct na nuoi a main exam pe ding amauh te thumpi chiet vaui.
i) Mr. Khaiminlien S/o Upa Nengkhanlien, Ama A/C a calling ngah lel ahi.
ii) Mr. Khaibiehlian S/o S. Khamchinthang
iii) Mr. Mangkholun S/o Lunkhoneh
iv) Mr. Lawrence Khenmang S/o Michael Ginzasun
12. Lungdampina Rev. Hangpi Manlun Bangalore UTC apan Doctorate Degree ngah zou in dam in hing tungta.
13. Mr. Kamminthang Upa Dr. Lachinkhai tapa Delhi JNU apan Ph. D ah lawchinna nga i lungdampi mama uhi.
14. Zou Synod Branches Committee peitou zel in apeisa December 04,2013 niin Synod Executive Committee in Executive Secretaries telna a um a, Rev. Tualzachin leh Rev. Stephen

ZPWF Column

Tunnu Limbel 25th October to 20th Nov. 2013

01. PWF Zotang District Khawmpi thawlom	402
02. Pa Khaiminlien, Lailamveng	500
03. Pa Kamlai, LDCC Hiangzou.....	1,500
04. Nu Chinglamniang, LDCC Hiangzou	100
05. Nu Donniang, LDCC Hiangzou	50
06. Upa Mangminthang.....	3,620
07. PWF Lentang District thawlom.....	1,050
08. Nu Vungkhanching, LDCC Hiangzou	1,000
09. Pa Jamchinthang, LDCC Hiangzou Oct to Nov. 2013.....	2,000
10. PWF Central.....	1,120
11. Flora Hatnu UK.....	48,000
12. Pa H. Kapneithang, Central Church.....	1,300
13. Nh. Hoipi, Tuibuang(Sept-Oct)	1,400
14. PYF Lentang District.....	1,030
15. Mission Board, Lailamveng X-Mass Gift.....	1,500
16. Presbyterian Chruch, Awnchinkapkhua X-Mass Gift	2,000
17. Presbyterian Chruch, Buhsau X-Mass Gift.....	500
18. Upa Kaisoi, Tuining	100
19. LCC Aina, Presbyterian Chruch thawlom.....	45
20. Presbyterian Chruch Maukot, X-Mass Gift.....	1,000
21. Nu Chinkhoman, Lamphel.....	500
22. LCC Tuilaphai, X-Mass Gift.....	500
23. Central Church, X-Mass Gift	2000
24. Sabual P.Church, X-Mass Gift	500
25. Sabual P. Church Anntang tang a pieh	500
26. PWF Sabual, X-Mass Gift.....	500
27. Mission Board Zomi Colony, X-Mass Gift.....	3000
28. Nu Thongniang, Thangkangphai G/T	150
29. PWF Sugnu.....	500

- 3) Pulang mit leh tahsa mit a muthei chi ahisih a, lungsim mita mu ding ahi.
- 4) Suolam Ahsi muchien tahtah loute a dingin, Khristmas ahina bang tahin amuthei sih ua, umzieh bei asuoh hi.

Tam atung a dohnate dawngtu:

Upa Khupsuankham Cont. Editor, Khristian Tangkou (ZPCS)



Sunday School Teacherte kungah dohna poimaw

- By Rev. M.G. Nehlien, Contributing Editor

1. Pienthana kichientah na nei nai?
2. Na Hagau hinkhuo ah thumna leh Bible simte na pibawl ei? Biehin kai na lunggul zing nai?
3. Na naupangte na it tahtah ei?
4. Na mimal hinkhuo ah teep leh muom, leitung silbuohte ah na ki sum ei?
5. Pasion in a it mama, a sisan a aleisa a Belam noute enkoltu a ahing pansah hamphatnan nala ei?
6. Na naupangte hagau a ding na ngaikhawh ei? Hundam hinailoute dingin bang na bawlsah tai?
7. Na naupangte amin min un na haan thei nai? Tualeh amin min un na thumpi nai?
8. Na naupangte a innchiet uah tukum sungin bang zatvei na ve tai?
9. Kholai vela na umdan, khohei leh gamtat dan teng na naupangte'n hing enton zing ahi chi thei in pilvangatah in hinkhuo na mang ei?
10. Mangpa Jesu'n "Naupangte kipuosa khu atung gih hi. Ama dingin angawng ah sumheh suong ki awhsah henlen tuipi laiah kipai leh met zova" achina thei nai? Pasion Belam noute hagau kimawlna leh kiphuolna nei khu bangzatah a sil chizathuoi atai chi na thei ei?
11. Sawtlou nua chiengin tunia na naupangte hing lienva'n, tunia nang na puidante nua etkia uleh ang mawsah ding uoi?
12. Na Sunday School Class khu na naupangte'n khiehla huoi in angai ding uoi ahisihleh ninhuoi asa uoi?

Luke 1610 ah koi zong sil tawmnou tunga ginum khu tampi tunga zong ginum ahia, tawmnou tunga ginumlou khu tampi tunga zong ginumlou ahi achi mabangin, tunia naupang neunou na etkol khu Pasion in mailam a sil lienpi sem dinga ahing etkhiehna zong hikhamaw lou ding hi. Taimatah leh ginumtah in pang in, Mangpa'n nasep bang bangin nuomman angpie ding hi.

KIPAHNA

Khristmas ahidan

- Mangkhanpau
V. Bethel

Thupatna: A itna sisan a hing han hingtelpa isep dia ang kohmute chinglou pumpum a isep lai in ilawchinna thuguh ding "Kipahna" toh hing khen gamla a ithupi uh akey manlou dia i mit suhmielpa apat in ithupi uh theisiem din imit hing suhvah sah leh chi ihi.

Azieh: Eite sanga kepbit hi uleh guolzawlina tuntun ding Pasion mi ma ma mihoi mipiltan hanmuol ang zot san nua ua, kepbit tahloute ibitna Pasion zaumi chi kithei mawbawl lou in kipahna Khristmass ahidan theisiem lei chi ihi.

1. Tukum sung a na kipahna muol sah bang ahiei?

Khenkhat adia Langva khuh kum , Buhaukum, khopi zot zou kum chidam kum Gari leikum Plot leikum Building inn lamkum University a Medal leh Topper lah kum kolgam zot kum sapgam zot kum sap gam a Dollar leh Pound tampi lai doh kum sepna hoi gelkhiet kum zii hoi pasal hoi neikum Goutan tanu tapa neikum innkuon sung kitheisiem kum chia ahoi lam a

i Record lai in khenkhat adin banglam atai ichi leh: Louma guohsuoh kum innlam zoulou kum lusuun kum vangsietkum kiteitam kum muolphou kum beidotkum chimaw man kum kikhenkum innhawm kum loutankum, Plot tankum veisietkum Gari tankum, tuptunlou kum, Failkum, lawsap kum, kthamlou in ka iit kazi, kapasal katan, kamou, ka u, kanu, kapa toh kaki in khen kum in keibang chin kakipah

thei diei kipah leh malah ka ding a Khristmass lunghel ni, kani, mangbatni, ahiding kamusa ahi chi aKhristmass tunkal ngahla leh malah a huphul tuntun nahi mai thei, Nahi khah leh aban in zom lai in aw Unau it

2. I sil tuohte hing theipitu or thuohpitu ilawm Jesu um

Lazar eithu hil ahi zou in mihing sahing din akuon a amatah in (Jesu akapta) tami ahileh Bible sunga (tang) tompen achiemte ahi thutuom ahita leh igen ut pen chuh Jesun Lazar kaithou ding hinapi bang zieh a kap ahiei ichi leh amiten mi in aum bang un aman zong aum a, akap a, athuohpi ahi china ahi.

1. Unau: Nangzong nadinmun sietni in nalawm Jesun angtheipi ban ah ang thuohpi ahi chi chiengphot in

Bangziehin: Nasil tuohte pawzou tadia i lawm Jesun ang pom kawm a ang muongtah zieh ahi chi theibe in

2. Aang it seng zieh a ama toh zawhkhawm zing dia ang dei zieh a na it mamate toh angkhen ahichi pomsiem in.

3. Isil tuohte ama theipi a ituoh uh ahi chi chieng beh inamu amabou napom siem sih maithei aleh e.g. Israel: Tuipi san akan ua achimaw abeidot dan uh itheichiet uhi. Hinanleh amite kana ngaikhie a a hutkhiet thupi apieh tah in tuipi gal ah kipahtah in Pasian aphotuh chi imguollou in kilang hi. Tuabang a nang zong nasiltuohte zieh a nachimawna nabeidotnate piaugala kipahtah a Pasian phat a nalamna hithei ahi. Pasian ta tahtah nahi leh.

3. Mangpa ah nuom tontung un: Phil. 4:4: Tami thu umzie ahileh kipah louna mun a zong kipahteitei ding kipah lou chia zong kipah teitei ding china ahi. Koikamteng: Paul ahi chi ithei chiet uh ahi. Paul hinkhuo iet leh Jail sung ah zong akipah a suhgentheinate zieh a khophoh lou a aum chieng chilou damloupum, chimawpum, beidongpum, tasampum, in zong Mangpa ah anuom ahi chi imguollou in lang hi.

4. Kipahna kichi bang ahiei: Mihingte pienken mizie nei asiem ihibang in siemtu Pasian zong mizie nei ahia, amiziete

Dohna leh Dawnna

Dongtu : Upa Vungkhanpau, Behiangjang

Dohna : Luk 2:7 i sim leh Mari in tamasa in Pasal anei achia, Jesu agenna e ahisih leh koi agenna adiei?

Dawnna: Jesu agenna ahi. Mari in Jesu anei masangin ta dang anei nai sih a, ata masapen ahi.

Dongtu: Upa Vumkhangou, Zomi Zion

Dohna: John 7:1-5 sung isim leh Jesu'n Unau sanggam pienpi nei in agen a, aunaute khu koite adiei?

Dawnna: Jesu sanggamte pienpite Jacob, Joseph, Simon leh Juda ahi uhi (Math. 13:55; Mk. 6:3) en in.

Dongtu: Upa Kaichinkham Muallum

Dohna: Exo 2:7 isim leh Mosi khu'n Pharo tanu kungah "Naungeh" hing chinsah ding Hebru numei khat kang suipieh diei? chin ahing dong hi. Exo. 2:2 ah, Mosi a nu leh pa, tamasapen hileh kilawm in agen a, tamasa hinapie bang chi dan a Mosi in unua nei adiei?

Dawnna: Tamna Unu achi khu Sanggamnu chin Laisiengthou kilena tuomtuom ah kilet hi. Readersis Digesttle bawl "Who" in the Bible leh hilchientu tamzawten tampen a sanggamnu Miriam hi'n a gen uhi. Miriam pen Mosi unu ahima hi. Hebruten numei khu thupi simkhollou ua, tuazieh a Miriam pienna agenkhahlou hithei hi.

Dongtu: Upa Langminthang, Moreh W/No.1

Dohna: Suolam Ahsi ichigel uh khu bang Ahsi adiei? Tualeh Suolam Ahsi poimawna bang adiei? Nang hilchien thei diei?

Dawnna: Suolam Ahsi khu mizousie Bethelhemlam a puitu Ahsi ahi. Khovel a nam tuomtuom ten Leengtha pien ding etsahna'n amang leng ua, leeng Ahsi achi zel uhi.

Suolam Ahsi poimawna namli(4) te khu tam aneia bangin gen vai:

- 1) Michin in hundamna amuna dingin, midang khovel in poimaw tah a angah ahi.
- 2) Suolam Ahsi lou Ahsi danga um sih hi.

(John 19:23; II Kor. 5:18-21) ah khun. Tualeh sil zousie Pasian a kipan ahia, Aman Jesu Khrist ah ama toh kilem in ahing bawl a, ka kung uah kilepna nasep ahing peta hi. “Eden kotkhah Selem Mangpa’n hing hong, Vanlengmang minphat in pahtawi vai. Hallelui ah chiin ama pahatawi vai. Damna Mangpa ahingpiengta ei dingin”

I Mangpa Jesu Khrist zieh in Pasian toh ka kilem naimah?

2. Jesu Khrist khu mihing eima leh eima kilemna ding a hing pei ahi: Mang Jesu tellou in eima leh eima i kidou zel leng uhi. Hoilou ka chite khu ka bawl khaleng a, hoi ka chite khu ka bawl khaleng zel sih hi. Gingtu kei piengtha ing ichi nua chiengin zong “Eima” (self) leh Pasian kikal ah hasatna ahing umzel leng hi. I sung ah khun Ui vom leh Ui kang kidou zel leng khu Jesu Khrist um khu asubuoita a, mihing hinkhuo ah lemna ahing tunta a, lemna thuguh ka neizel leng hi. Khsrist ah khun lemna leh muonna ka

hing neita hi.

3. Mihing leh mihing kikal a lemna khu Khantanhoi ahi: Eima leh eima ihing kilep thei chieng un imihinpi dangte toh kilepna ihing neita uhi. Eima hoinaleh nopna dingzongahing kipieh Jesu khun ilungtang ah vai ahawm a, khumi in midang a vaihawmsah leng a, lemna a hing tung zel hi. Ahithe tan a eima ngel khu midangte toh kilemthei dingin ikingaituo zing ding uhi. Mite van kalahte mi kahehnate mi toh kihau zel lengnate khu eima a lemna a umlou kidaidanna baanglai a suchimta a, nite khu pumkhat in abawlta hi (Eph. 2:14). Lei leh van kilepna Khantan hoi ziehin mihing leh Pasian ikilemta ua, kimelmatna khu hepina leh lemna in a henta hi. Khovel khun lemna leh muonna poimaw chi ithei ua, eima ah khun tua khu itangtun ding uhi. Khovel ah khun i Mangpa deidan bangin lemna leh muonna hing tung taken.



ahileh: Itna, kipahna, lemna, siengthouna, dihma, etc ahi dungzui a tunia ithupi uh ahileh Pasian mizie ahi. Thamlou in Vangam zong kipahna a kipumdim ding ahi. Tambang a Pasian mizie kipahna hinapi kipah theilou nahileh kingaituo in na kihilna dihlou hikha thei ahi.

5. Vanmi leh leimi kipahna bang: Van mite kivaipuoh dan chikhat ahileh Department ah Level Tuadungzui in Over Department lamkai Serafim lamkaina a akipahna uh bang ahiei ichileh Jesu pienthu ahi. Tami ahileh alamdangna leh athupina ahi ban ah khovel a akithei masang van apat kipahna in azui ahita china ahi. Leitung a igensa bang a Serafimten atangkou zou ua pat in Herod chilou azapha taphot kipahna in akipumdim ua thamlou in vantung huikhuo Leitung kipahna in apumtuom ahi chi imguollou in kilang hi.

Azieh: Eden dongkot khahmiel salvah dia kipie: David Jungpi apat humpi bahkai mang Immanuel khovel sietna pawmang dia mihing banga Bethelhem bonginn a ang pien ni khu (Kipahna Khristmass) chia minvaw ding mawng ahi.

Tami ni umlou leh chichin namchin gotmun a lut ding ahi hinanleh itna Pasian in a it khovel hundamtu dia atapa angpieh khietna khel a itna sangzaw a um sih a um zong umtheilou ding ahi. amabou itna zieh a kipahna Khristmas ahi dan itheisiem ding kisam hi.

6. Thuzawna: I kipahna muolsahte lah apat Khrist in ang pom dante theisiem a amielnate lam hilou a avahna lam a vahna zieh a teng Jesu kunga kipahna thah halnathah khatlawna thah toh Khristmas manpha tah a zang dingin nahi man in Nakimanlou leh khovel a mi lungsiet huoipen hiding nahi. Kingaituo in a kikhel man!



Khristmas Genlohna

- By T. Ginzahau
Office

Kum leh haa te hing pei liemzel in kumkhat a ikinepna lungdam
pawi (Christmas) tan mel mukia thei dinga hing mapuitu
Pasian min iphat masa hi.

I Laisiengthou pansan dingin
Isai 9:6 Ama khu Lamdang pa,
Thumoppa, Bangkim bawlthei
Pasian, Kumtawnpa, Lemna
Mang aki chi ding uhi.

1. Lamdang: Jesu Khirst hing
piendan dan pen kingainiem
tah in Bethlehem bawnginn
ah ang pieng hi. Eite toh iki
lamdanna, nunnemna hinkhuo,
thuoh zouna hinkhuo zainemna
hinkhuo toh ang piengkhe hi.
Ama Khantanhohi pen kigen
chimtheilou hi. Etsahna'n
Milien, milalte tangthu sut ding
koiman khatvei khel ngai peilou
uhi. Tami khu alamdangna
mama khat ahi.

2. Thumoppa: Isai 1:18 ah enlei
hingpei un ngaituo khawmvai,
na khelnate uh sandup
bangin san nanleh vuabang in

kavamsah ding hi. Ama hing
piensan mikhiel mangthai sate
hundam dinga hing pei ahi
tuaziehin Thuhuntha lam a i et
leh Belam sawm kuo leh kuoh
te sang in amang khat pen asui
tinten hi.

3. Bangkim bawlthei Pasian:
Ama'n bangma bawlmaw
aneisih a, Lei leh Van, mihing
siempa zong ahi. Miel leh
Vah siemtu zong ahia, tunga
leng vasate leh tuinuoia teng
ngasate siemtu zong ahi. Tamte
I Laisiengthou thubul (Gen) ah
akimu suoh hi. Aumloute zong
umsah theipa ahia, aumsate
zong lamang theipa ahi.

4. Kumtawnpa: Ama khu
leengte leeng, mangte mang,
Kumpite kumpi ana hi ahi. I
Pasian sang a thupizaw leh

neitute zousie ahi.

Van mite phatna laa khun
loupina khu pawl satan ahi thu
a puong a, Pasian in a kipahpi
mama mihingte kung ah lemna
leng taken chin deisahna thu
a tahlang hi. Pasian loupitah
a aumna san khu mihingte
hundamna dingin a tapa
tangkhath neisun apieh zel ahi.
Jesu hing pei khu Pasian leh
mihing kikaal a kilepna siemtu
ahi bangin mihing leh mihingte
kilemsahtu khu ahi.

Lemna thu ang um
ktheina dingin ilungsim suol
uh siemtha a poimaw hi. Suol
silbawltheina, kiletsahna
lungsim buoite, lungsim giloute
leh ilungsim a khovel sil, sum
leh pai ngainatna leh nopsahna
bawlina a ikithuom uleh Pasian
toh ikaal te a mihingte toh
i kaalte ah lemna khu a um
theisih ding hi.

1. Jesu Khrist khu lei leh
Van leh Pasian leh mihing
kilepna ahi: Mihing Pasian
thu awilouna zieh a helbawl a,
Pasian toh kilem theilou khu
;Pasian in ama leh ama apat in
kumtawn pa Jesu Khrist khu
lemna palai in ang sawlta hi.

Khovel a, gam leh gam kikal a
lemna a um theina dingin palai
(ambassador) a kisawl tuozel
uhi. Pasian leh mihing kilep
kiana Pasian toh kilepna palai
nna sem thei mihing lah ah a
um ding hi. Vansawltahle lah
ah zong a um sih hi. Jesu Khrist,
Pasian leh mihing bukimna
neite chi in a sem thei bep
uhi. "Midang koima kung ah
hundamna a umsih, Vannei a
mihingte kung a kipie min lah
ah ei hing hundam ding min
dang mawngmawng a umsih
hi" achi hi.

Kum 1950 in S. America
te Red Indian nam khat Auca
(Auka)te lah a Khantanhohi gen
a va um mi 5te lah a khat numei
leh midang 4 te Aucate lah a
Khantanhohi ava gen a, Bible
aletkhie a Pasian toh kilem leh
chi khu Auca ham ah a um sih
hi. Jesu singlamte a kilbjeh a
galkapten a puonsilte ala ua,
khat chiet a atan ding un Phalli
(4) a suo uhi. Tualeh a puonahte
zong a la uhi. A puonah pen a
khuina umlou a, ngawng a pat
a pum a kigan zom suoh ahi.
Latin ham in "Pontifex" akichi a,
tua khu Kellei a kidaw tungta hi

Khristmas Sermon

Lem thu leengta hen
(Luk 2:14)

- Upa Khupsuankham

Kumchin a haibang i ng:ahla uh Khristmas lungdam paw
khu ang tung zelta a, Mangpa Jesu khu khovel in a poimaw
Pasian in a dawnna ahi. Mikhielte hundampa dinga Jesu
Khrist khu tahsa a ahing suohna khu a thupi a, khovel pumpia
Khristiante Khristmas mang ding a ikisahkhohna uh khu bang
tobang e iman ding uh? A pien champha lawm mai hilou a, tahsa
kipahna mai a mang ding a kismai lou in Khristmas tahtah mang
dingin ikisa ding uhi. I hundampa Jesu ang piengtha kia a, ang
ten theina dingin ilungsim kot ihon uh a poimaw hi. Vanlam khu
kimansa diem in a um a, eima chiet ginna ah ikingat chiloungal
tuni in nang a din hundampa a pieng ei? Kivelchien in. Luk 1:2 i
etleh Khristian masate laa 4vel a um a tuate khu:

= Mosi laa n(Magificut)
= Zakaria laa (Benedictus)
= Vansawltahle laa (Gloria in
excelsis Deo)
= Simeon laa (Nunc Dimittis)
te a suong hi.

**I thupi vanmite lapawl chi
khu ende ulei:**

Jesu Khrist pien zaw
a Bethlehem daidam a
Vansawlsienge laa khu Pasian
leh mihing kikaal a kilemna
thu leh mihing tengteng a ding
a kilemna leh hamuonna a

kikoppi hi. Tuami lawchinna
bul khu Khrist ahing pieng hi.

Tingtang tum siem leh
lasa siem Juda nausen pieng
a lawm uhi. Nausen pienga
kipah theilou a, lawm theilou
khop a umte khu a lungsiet
huoi ahi. Mari in a tapa lopna a
lasa ding, lasiem a guoi zousih
a, hinanleh leitung mihingten
asah phahlou nau lopna laa sa
ding in vanmite a kisakhoh uhi.
Leitung a akipahpi mihingte
khu Israel guoh hilou in, Khrist

lienzaw ana um thei lou hi.
Eiten Pasian imuon ngam bang
un itaten zong ei apate hing
muongngam mama uhi. Sap
leh leeng, milien, milal, tampi
a um maithei, hinanleh zong
amauhte tunga thuneitu leh
vaihawmtu i bieh Pasian ma
hing hi veve hi chi thei vau.

5. Lemna Manga: Ama
hing piensan ahileh
kilemloute sulemtu ahia,
kituohloute kituohsahtu,
kihouthenawnloute sulemtu
bang ahing hi hi. Tam teng
ahiman tukum I Khristmas

manna chiet uah lemna
Mangpa piengsah chiet vau.
Kihoutheilou te dia ki houthei
kum, kigensete dia kingaidam
kum semkhawmtheiloute
dia septheikhawm thei kum,
kiitloute dia kiit kum hing
hita hen chiin deisahna lienpi
kangpie hi. Simtute zousie
Christmas man nuom!

6. Thuzawna: I latha bu ah ka
tuipi/limpi mama khat Eden
tulsa guobang hinkiana dingin
simlei hundampa ahing piengta
tami laa ngaisun kawm in Ama
phatna'n na hunte ana mang in.



Conrrigendum (Suhdihna)

1. Nov. 2013 Issue Page 4, Heading - Thu tuomtuom leh
thumpi dingte "nuoi a, Sl.No.1 a Mission & Evangelism
saina nuoi a" chipen "Sunday School Board saina nuoi
ah" chi ahizaw hi.
2. Nov. Issue ma peh 9 na, Heading "Kizahdan kilawm" nuoi
a "tuachin "Lam" in ikhosa tou uhi" kichi pen "tuachin
"lom" in i khosa tou uhi" chizaw ding ahi.
3. November 2013 Issue Pa Khaikhanthang, Lailamveng
Rs. 100 kichi pen Rs. 1000 ahizaw hi.

Khristmas Sermon

- By Evant. Upa K. Mangpu
Sangaikot

Bible sim ding Isai 7:14na a Isai in ana gen lasawn in Mathiu 1:23 Nungah siengthou khat hing gaivan Tapa khat hing nei van Ama khu (Immanuel) kichi ding hi (Tua khu Pasian eite toh aumkhawm hi china kigen sa khu Rom 3:10 ah (Midih khatma zong a um sih chingal a bangdia (Mari) khu Nungah siengthou kichi a diei (Mari) Nungah siengthou ahina tah gen masa vai.

1. Mari Pa min (Joakim) Anu min (Anni) ahi Anni a ching a hi a nau aneitheih sih malai in Judate ngainadan in (Siempu kungah Naungehte avalan zel uhi. Nikhat naulat ding neiloupi'n (Joakim) Naulante dinna mun ah a vading ta a (Siempu (Iskar) in amutah in hichin agen tahi bang dinga naulante dinna mun a hing ding na hiei nangta neitheilou na ji a chingpi naulat ding neilou tana na hing din zieh in (Gamdai ah ni 40 va umtan chin sawl hi..... thumnanna khu lawchinna ahi.

2. Khum in sil umdan a Ji kung ah gen in (Siempu pa sawlbangin gamdai ah (Ni 40) sung ava umta hi. ni 40 sung bei zan in (Pasian sawltah Sabariel) hing kilah in

ni 40 sungma na um kia ding ahi chi thu apie kia hi inntung lou in ni 40 sung ma a um kia a akigawm a nisawm80 beizan in Mangpa Vansawltah Gabariel hing kilakia in Joakim tunvang peitan na Ji zong lunghel leh thawmhauta in ahing ngazing hi na Ji khu agai dinga Tanukhat ahing neipie ding hi a chi hi khum zan mama in Sawltah Gabariel khu a Ji Anni kungah zong avakila hi.

3. Tambang thuhoi Vansawltah in agenpie thu Joakim in a Ji Anni kunga genkal ngala in inn lam ang zuon tahi tualeh a Ji Anni in zong Vansawltah thugen a pasal kungah gennuom in a pasal ngai in lunghel tah in A

chance)ahing guot sahta hi, Halleluiah !! Mangpa'n thupina tang hen! Tami ahi kipahna thupha (True Gospel) kichi khu. Tami khel a kipahna thupha leisiem chil apat ana um khanai mawngmawng lou ahia, a um kia nawn vawt lou ding ahi.

Tam Hundamna vaiguon khu khupching leh Ngambawm,Neinou leh Nantal, Galngam leh Hangsai te tangthu bang a phuohtawm thu maimai hilou in, Khanggui nei ahia, tanchinhoi Mathiu in Abraham apat in akhangthu asut a, tua leh Luke in Ama Jesu Khrista apat in asut tou a Adam Pasian tapa chi in asut leng hi.

Tami Messiah hing pieng khu ginna a mihangsante leh zawlneiten amu nuom tinten na angahla mama ua hinanleh numanlou in sangtampi ana liemta ua, lung ahelsah mama

mai hi. Tu in eiten zong mel in muman sih nanlei ama ginna mit in imu theiua ihampha uhi. Mangpa Jesu mama in lei a alen lai in Thomas kung ah, "Thomas aw, nang mit a na mu zieh in na gingta maw, mulouy a gingtate hampha ma uh ei izaw", ana chi hi.

Simtu deitah, tua Missiah igenpa khu Ama amite khawm dingin ahingpei dinga, tuazou chiengin kum 1000 vaihawm dingin tam leitung Jerusalem ah apu David Mangtoupaha ahing luo ding ahi. Ama tuoh dingin na kimantai? Chance nina (Scond chance) mansuo mawngmawng sin, chance thum tan (3rd chance) kihong nawnlou ding hi.

Ahingtung pai ding Khristmas khu Jesu Khrist toh mangkhawm dingin Pasian in hing guolzawl taken, Amen.



pha theina singga anehlou ding uh ahi. Melmapa Setan in Pasian thupieh botsan ding in Adam leh Evite soldan siemtah in ang sol a theiga nehlou ding khu ahing nehsah ta ua, tuachin Pasian thupieh khu ahing botsie ua, amu a na dinga Eden kot kihong zing khu agitlouna zal un, khah ahing hita hi. Gawtna pieh a, kihawlpawtna na khu Eden huonsung a facilities amuteng uh ahing taan ta ua, Pasian Standard khu ahing mansuo ta ua, gilkiel dangtah lungzin, nat leh sat, ka leh mau, shi leh man ahing thuoh ta ua, tunitan dong in eite ama suon leh pah ten ithuoh zing uhi. Tuat zousie khu Eden pulam hinkhuo ahing hita a, kinepna bei hinkhuo ahi hi. Tuami dinmun khu Pasian chilou mihing pilna, siemna leh hatna in abawl thei guol ahi nawn sih hi.

3. Eden kot kihong kiata (Eden was Re-opened): Ezekiel 18:23na ah Pasian in migilou shina ah kipahna anei ngailou dan agen hi. Tuaziehin Adam leh Evi gitlou zal a mihingte mngthai mai ding khu ngai ngamlou in, B.C 700 laivel

in zawlnei Isai tungtawn in kinepna bei leh shi a mangthai mai dingte ama tapa neisun Messiah Jesu ahing pieh ding thu ana gen zouta hi.

Tua Adam leh Evite nupa thumanlou leh Pasian thuhun bawsietna zal a mihingte tangtawn a mangthai tatdohna ding in siemtu Pasian in a tapa tangkhat neisun pieh ding a ahing thuchiem khu zawlnei Isaite, Jeremiate, Mikate leh midang dangte tungtawn in ahing phuon doh a, tuami Messiah Judatena Lengpauh leh Kumpipa uh hiding a akineppi mama uh khu Pa vaiguon dungzui in Bethlehem ah hing piengin Vansawlsiengin Belam chingte kung ah ahing phuon doh a, tuachin Belamchingte, Van mipite leh Suohlam mipilte khu atheipitute (Witness) ahingta uhi. Tuachiin Van Mang Immanuel in Bethlehem leh Kalvari ah Salpawtna Jubilee dahpi hing sat in, Adam masa pen zieh a Eden kot khah kikhah khu Adam nukhia Messiah Jesun ahing hong kiata a, amazal in a ut a, gingtaten lut theina ding in hun lemtang niveina (Second

pasal tun ding lamettah a aup lai in a pasal Joakim hing tung hi. Kipah leh thanuomtah a chibai akipieh lai un Vansawltah thugen gingta tuo in thugen masa ding kitu in atawp ah apasal Joakim in sil umdan teng leh Vansawltah in nau numei khat na Ji in ang hinpieh ding hi chi thu agen leh Aloinu gennuom zong tuama nahika a Vansawltah thugen gingta tuo a houlim abawllai un thakhat in Anni hing gai pai hi. Anni khu mhing sisan apat hilou in Vansawltah thupieh houlimna a (Thu ahing gai ahi)

Thei dinga poimaw

Mari khu Apa Sisan hilou in (thu a hing pieng ahi).

4. Hun phabep khat zou in Anni in Nau ang neita a Vansawltah gen bang in Numei ang hita hi. Huntomkhat nua in (Nausen Nu leh Pa Siempu kung ah a lan ding in ang kuonta ua gal apat siempu Iskar in amu tah in lamdang sa in Nau neilou tegel nulan ding a hing kuon chi angaituo lai in (Kilahna) amu a (Khovel hundampa nu ding ahi chi theisah in aum hi. Naungeh nu leh pa akung ang tuntah in

Naungeh (Tal pang) ah Kross lim amu hi Siempu kipahin Naungeh (Minding a phuo a (Mari) ahisah hi. Tuazou in Naungeh Pasian kung ah latna neita hi.

5. Hun tomkhat zou in (Mari) khu Siempu Isakar kithuohpi ding leh Pasian nasem ding in anu, apa in piekhiet a hi. Mari khu Siempu Isakar nuoi a hing khanglien in nungah pan ahing hita hi.

Tuahun lai in Jerusalem Temple puonzah asie ta mama a Juda nungah tuapuon atha agan ding mi akisui lai in khat zong akimu sih hi. Puon jem khat gatkhel leh shitheina ahi chi a thei chiet uhi. Hinanleh (Mari) in agenthei hi ki chi hi

Mari pasal ding suina

Hun tomkhat zou in Siempu (Isakar) in Mari pasal ding sui in Juda tangval teng thu apieh hi. Juda tangval teng hingpei unlen (Biehbu) ah chiengkhit koi chiet ding in thu a pieh a hinanleh bangmaa akitheina a um sih (Siempu in Juda tangval dang a um nalai ei hing pei henlen chiengkhit (Biehbu) ah hing koi hen chin thu apiekia a khum

in Lengkul jiding mu zoulou khat Amin (Joseph) kichi Pasion gingta mipa ahing pei a achiengkut khat Biehbu a avakoi leh van apat in (Vansawlsieng vakhu bangin hing leng in (Joseph) chiengkut don ah atu tahi.

6. Siempu pan tampa Joseph khu Mari pasal dinga Pasion lemguot ahi chi a thei ta a Mari kung ah na pasal ding Siempu hi e chi thu ahil a Mari in amutah in Juda tangval hiza lah a (Kapu guol toh kakiten ding chi angaituo chiengin a ut thei mawngmawng sih hi. Khumin Siempu pan a zawl a azawl zou sih khum in Mari nu leh pan a zawl ua azawl zou sih uh khumin Mangpa Vansawltah in Pasion lemsah ahi chi in ava henem a tuachin amasang hun hing tung ding bangtan amakhat genpi in Mari in nasuonu kung ah na chi bangbang hitahen chin Mari in dawng hi (Luk 1:38) Joseph toh kiteng dingin ki houthei ta uhi.

----- Joseph Pasion zaumi ahi ziehin aji ding nungah pan khat Mari lemguot pie hi. Bible chang

genna ah (Nungah siengthou khat hing gai van tajpa khat hing nei va.... chia ahi a bang dia Mari nungah siengthou hi thei e....? Ama sisan a peing hilou (Pasion thupieh a pieng ahi zieh ahi. Tuaziehin khovel (Hundampa nu ding) in Pasion in nungah siengthou kisuina ah (Mari) Nungah siengthou Pasion deitel in hing ching hi (Luk. 1:48). Juda Dan a jikham khu kum (3) teng kikhaam zel ahi a, Joseph leh Mari kumthum akikhaam kal un Mari tunglam silbawltheina (liekhu in (Thu in) ahing gai kiata hi. Laisiengthou simna a nungah siengthou hing gaivan tapa khat hing nei van achi khu nungah siengthou (Mari) ahi a tampa achi khu (Jesu) ahi.

I thei ding ua poimaw

* Mari thu a pieng

* Jesu thu a pieng

Ahina thei siem chiet dingin Mangpa'n simtu zousie the-isiemna hing pie chiet taken, Amen.



EDEN KOTKHAH kihongkiata



- Upa Gouzamang

Latha No.110: Eden talsa guobang hinkiana dingin, Sietlei Hundampa ahing piengta; Pielgal gam nuom tuong itun theina dingin, Mang tungnung pen in mun niempen ahing tel.

Kum 2013 Khristmas Lopna hun hingtung pai ding ahitah toh Pasion leh Asiemsa mihing te kala thuhun (Covenant) khu themkhat sut lei china toh tam Article "Eden kotkhah kihong kiata" chi pansan in houlimna bawl lei ka chi ahi.

1) Eden hinkhuo (Life in Eden): A tom thei lam in gen mai lei Pasion in mihing asiemte Adam leh Evite khu nisuona gamlam Eden ah ahoi hi (Gen. 2:8) A misiemte khu leivui/buon apat a asiem ahia, ama melpu a siem ahia, ama hinna hu anakhuo sung ah aha khum a hinna nei mihing ahing suoh ahi. A pumpi lei a hinna nei mihing ahing suoh ahi. Apumpi

lei a siem ahia, ahinna khu Van apat Pasion hinna ahi. Van leh lei kigawm a siem ahi uhi. Tua Eden a um nupa te hinkhuo dinmun (Living Standard) ahileh, kiel leh tah, nat leh sat lungkham leh mangbat, da leh ka, shi leh man in a suh khah louna mun leh hinkhuo ahia, amaute siemtu Pasion toh kipawl limna (Fellowship) mun leh bukimna mun (Life of Perfection) leh hinkhuo ahia, Pasion leh Van mite hinkhuo (Living Standard) ahi hi.

2. Eden kot kikhahta (Eden was Closed): Pasion in Eden a mihingte aten den theina ding un thupieh khat asiem sah a, a tua khu huonlaizang taha sie leh

An Organ of the Zou Presbyterian Church Synod



Khristian Tangkou

DECEMBER, 2013



Editor: REV. STEPHEN CHINZATHANG

Undelivered
Please return to:

The Editor

Khristian Tangkou

ZPCS Office, Zomi Colony

Churachandpur - 795 128

P.O. Box - 48, Manipur, India

e-mail: zpcs@rediffmail.com/zousynod05@gmail.com

Synod thu-le-la na thei ut leh
"JOIN Khristantangko"
chiin 09219592196 ah SMS thot in

To

[illegible]

Edited and Published by the Editor on behalf of the Zou Presbyterian Church Synod

Khristian Tangkou

Vol. No. 49 || Issue No. 12 || December, 2013

Editorial Board

Editor : Rev. Stephen Chinzathang
- 9863042789
ct_stephen@yahoo.com

Joint Editor : Rev. P. C. Manga - 9856130542

Cir. Manager : Mr. Jamsianmung - 9862086615
sianmung@rediffmail.com

Bus. Manager : Kamgenpau
Sye T. Ginzahau

Cont. Editors : Upa S.K. Khama - 9856406454
Rev. Awnkhankhup - 9862828921
Rev. M.G. Nehlien
Pro. Pastor Kaimuanlal

ZOU SYNOD ULIENTE

- **Moderator:**
Rev. Awnkhankhup
- **Moderator Elect:**
Rev. Hangpi Manlun
- **Secretary Sr.:**
Upa T. Lamkothawng
- **Secretary Jr.:**
Upa Khupsuankham
- **Treasurer:**
Upa M. Kamzadou
- **Statistician:**
Upa T.C. Pau
- **Exe. Secretaries:**
Rev. Stephen Chinzathang
Rev. P. C. Manga

Copies - 1000

AMAN

Kumkhat ah	- ₹	50/-
Post ah	- ₹	100/-
Copy khat ah	- ₹	6.50/-
Life Member Fee	- ₹	1000/-
Patron Member Fee	- ₹	2000/-
Memorial gift	- ₹	2000/-

A sung thu

01. Editorial.....	01
02. Thu tuomtuom leh Thumpi dingte.....	03
03. Kipahna Khristmas ahidan.....	05
04. Khristmas Genlohna.....	08
05. Khristmas Sermon.....	10
05. Eden Kotkhah kihongkiata	13
06. Khristmas Sermon.....	16
07. Dohna leh Dawнна.....	19
08. ZPWF Column.....	21
09. 2014 Holiday List	22
10. Sunna.....	23

Thusuo zosie Editor leh Zou
Synod ngaidan ahi kimsih a, a
suotute'n maw a kipuoh chiet ding
uhi.

Thusuo dingte Editor kung a
pieh ding ahi.

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. Upa Liansuanpau	6. Pu Khamchinthang	7. Pu S.Dalthang	8. Upa Kapkhanthang
9. Upa Langginmang	10. Pu S. Nangkhanlal	11. Pu S. Lamkhothang	12. Upa Dr. M. Lachinkhai
13. Upa Khamchinjam	14. Upa (L) D.K.Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. Rev. Retd. V.Vungzalian	20. Rev. Kamkhosoi
21. Rev. Tualzachin	22. Rev.(Rtd.) H. Nengzatun	23. Rev. Awnkhankhup	24. Rev. Hangpi Manlun
25. Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkothawng
29. Pu Khaichinmang	30. Rev. Chinzathang	31. Pu Khupkhanmang	32. Pu Khaidohlian
33. Hav. Khamzahang	34. Pi Vungzanuam	35. Pu T. Gouzadou	36. Pu Liensuonkap
37. Pi Zelkhochiin	38. Pi Hatkhanvung	39. (L) Pi Ngaihoiching	40. Pi Mankhanniang
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakhup	51. (L) Pu Saichinpau	52. Pu Goumang
53. Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Pu Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Shie Khamzathang	63. Pi Donchin	64. Upa Liankhanmang
65. Pu Hauchinlun	66. Pu T.S. Lal	67. Pi Goichiin	68. Pu T. Khupchinthang
69. Pu T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Kamkhozam
77. (L) Upa Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P.K. Soia	82. Pu Goukhai	83. Pi Niangkhanmang	84. Evan. G.L. Joshya
85. Pi S. Chingkhanmang	86. Pu Vumchinkhup	87. Upa Khaihenthang	88. Upa T.C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkholhing
93. Pu Hauliankap	94. Pi Chinnu	95. Pu T. Kuppa	96. (L)Upa T. Gougin
97. Pu Ginsuanhau	98. Pu L. Langminthang	99. Rev. David K.Samte	100.Upa T.S.K. Samte
101. Upa S.K. Khama	102. Pu Jamkhopao	103. Pu Thathang Taithul	104. Pu Kamkhankap
105.Bhim Prasad	106. Rev. M.Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Pi Chinnu	101. Pu Hauliankap	112. Nh. Deborah Zou
113. Pu Kamgenpau	114. Rev. Mangsuanthang	115. Pu Lamchinhau	116. Upa Pauchinlei
117. Kimneihoi	118. Nh. Niangsuannuam	119. Upa Nengkhanlian	120. Nu Ngaikhanvung

LIFE MEMBER-TE

01. (L) Upa T. Khupkhenpau	02. (L) Pu M. Ginzahau	03. Pu Selzapau
04. Pu L.C. Pautungnung	05. (L) Pi Khamkhanniang	06. Pi Ngainuom
07. Pu Chinsuanthang	08. Pu Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Pu Kulthang